



Broj: 02-05-1818/17-AP-48

Datum: 04.10.2018. godine

Na osnovu člana 13. Poslovnika o radu privrednog savjeta općine Zavidovići broj 02-05-1818-AP-12 od 30.06.2017. godine na 5. sjednici Privrednog savjeta općine Zavidovići, koja je održana 04.10.2018. godine u velikoj sali zgrade Općine Zavidovići sa početkom u 11:00 sati, sastavljam

### ZAPISNIK

Na sjednici Privrednog savjeta prisutni su: Hašim Mujanović, Remzo Sinanović, Aldin Šušić, Sabahudin Horozović, Ibrahim Mujanović, Esad Avdušinović, Nakib Vuković, Adnan Bajraktarević i Huskanović Senad.

Na sjednici privrednog savjeta nisu prisutni: Džeraldina Miličević (opravdano odsutna), Mrahorović Kemal, Enesa Bukvić, Ermin Hasančić, Nermin Pašić, Kemal Terzić, Ilić Slađo  
Osali prisutni: Izet Bašić, Amira Tadić.

Stručni saradnici Privrednog savjeta općine Zavidovići: Almir Mustafić, Ibro Hadžić.

Prisutno 8 članova privrednog savjeta od ukupno 15 članova, od čega 6 članova iz ne javnog sektora.

Zapisnik će voditi Huskanović Senad, tehnički sekretara Privrednog savjeta općine Zavidovići.

Konstatuje se da je na sjednici prisutno 8 članova Privrednog savjeta od ukupno 15 članova, od čega 3 člana iz ne javnog sektora.

Konstatuje se da je prisutan potreban broj članova Privrednog savjeta da bi se moglo punovažno raspravljati i odlučivati, kako je propisano članom 7. Poslovnika o radu privrednog savjeta Općine Zavidovići, odnosno potrebno je prisustvo najmanje 8 članova.

Predsjednik Privrednog savjeta Općinski načelnik Hašim Mujanović predlaže sljedeći dnevni red:

1. Izbor zamjenika predsjednika Privrednog savjeta
2. Pripreme za izradu Nacrta Budžeta općine Zavidovići za 2019. godinu,
3. Akcioni plan realizacije strategije integriranog razvoja općine Zavidovići za period 2017-2026.godine za 2018.godinu,
4. Izvještaj o realizaciji Akcionog plana realizacije strategije integriranog razvoja općine Zavidovići za period 2017-2026.godine za 2017.godinu sa Planom kapitalnih investicija općine Zavidovići za period 2017-2019. godine,
5. Program utroška sredstava sa Transfera za poticaj zapošljavanja i razvoja privrede u 2018.godini sa Javnim pozivom poduzetnicima za dodjelu poticaja razvoja poduzetništva u općini Zavidovići,
6. Analiza ankete privrednih subjekata općine Zavidovići,
7. Prijedlog odluke o izmjeni Cjenovnika komunalnih usluga JKP „Radnik“ d.o.o. Zavidovići,
8. Dosjela poticaja za razvoj poljoprivrede na području općine Zavidovići za 2018. godinu,

9. Nacrt Odluke o proglašenju Grada Zavidovići,
10. Odluka o pristupanju izmjena i dopuna Regucionog plana „Luke“ Zavidovići
11. Razmatranje donošenja Odluka o izmjenama i dopunama Regucionog plana Centar I, II i III Zavidovići,
12. Razno.

Dnevni red se stavlja na diskusiju i pozivaju se članovi Privrednog savjeta da predlože izmjenu ili dopunu predloženog dnevnog reda.

Diskusija: Almir Mustafić predložio dopunu dnevnog reda sa tačkom : Plan kapitalnih investicija općine Zavidovići za period 2018-2022.godine, koja bi bila pod rednim brojem 12.

Prijedlog je jednoglasno prihvaćen.

Nakon usvajanja dnevnog reda prelazi se na rad po istom.

### **1. Izbor zamjenika predsjednika Privrednog savjeta**

Predsjednik Privrednog savjeta općine Zavidovići , načelnik Općine Hašim Mujanović dao je kratki uvod i pojasnio razloge izbora , odnosno izmjenu sastava Privrednog savjeta jer je dosadašnji zamjenik bio Đelmić Ernes koji više nije član Privrednog savjeta te je neophodno izabrati novog zamjenika i otvorio raspravu po istom za davanje prijedloga:

Ibrahim Mujanović dao je prijedlog da se izabere od prisutnih članova i da to bude Nakib Vuković.

Nakon što više nije bilo prijedloga Predsjednik privrednog savjeta dao je na glasanje prijedlog da novi zamjenik predsjednika Privrednog savjeta bude Nakib Vuković što je jednoglasno prihvaćeno i prešlo se na sljedeću tačku dnevnog reda .

### **2.Pripreme za izradu Nacrta Budžeta općine Zavidovići za 2019. godinu (Izvjestilac Amira Tadić),**

Amira Tadić je ukratko pojasnila da je u toku procedura izrade Nacrta Budžeta i da je Općinski načelnik dužan do 05.11.2018.godine utvrditi Nacrt Budžeta i isti dostaviti na razmatranje Općinskom vijeću, nakon čega ide javna rasprava a u decembru ako sve bude išlo po proceduri na Općinskom vijeći ide Prijedlog budžeta za 2019.godinu.

Bitno je da Privredni savjet zna za ove termine kako bi blagovremeno mogao uputiti svoje prijedloge, mišljenja i sugestije na transfere koji se odnose Privrednog savjeta i da Budžet za narednu godinu neće biti bitno značajno veći u odnosu na 2018.godinu i kada se budu davali prijedlozi da ne mogu puno odstupati od predloženih transfera.

Nakon toga je Nermin Čaharević pojasnio da se prijedlozi Privrednog savjeta iz domena poticaja zapošljavanja i razvoja privrede i poljoprivrede dostave prije samo izrade prijedloga Nacrt Budžeta i prije same javne rasprave jer na javnoj raspravi svako može davati prijedloge.

Nakon toga je Amira Tadić uvažavajući ovo ranije predložila da se do 25.10.2018.godine dostave prijedlozi Službi za upravu ekonomskih poslova kako bi oni mogli redovnu proceduru radit.

Nakon uvoda i pojašnjenja Predsjednik Privrednog savjeta otvorio raspravu po ovoj tački dnevnog reda:

Ibrahim Mujanović je dao prijedlog da se poticaj za zapošljavanje ako bude moguće da se poveća u odnosu na prošlu godinu jer bi se lakše ispunili zahtjevi koji će se pojaviti,

Almir Mustafić : u svakom sklučaju ovaj transfer već postoji dvije godine i u odnosu na prvu godinu prošle godine je povećan za 6.000,00 KM i svakako ćemo gledat da se ti transferi povećavaju , ali da problem predstvlja realizacija tih transfera jer nema zainteresovanih i da smo u prethodne dvije godine otprilke vidjeli gdje su ti nedostaci i da ćemo nastojat u narednoj godini imati kvalitetnije poticaje nego prethodnih godina jer smo bili bazirani na male privrednike , koji nisu imali ni znanje ni kapacitete , pa smo ih praktički vukli za rukav pa tako da ćemo u idućoj godini krenuti od srednjih preduzeća i stimulisat kakve investicione kredite subvencionirati kamate

Ibrahim Mujanović je predložio da se da neki rok pa ukoliko se ne prijave mali-mikro privrednici da se mogu prijaviti veći privrednici jer šteta je da se sredstva ne iskoriste.

Ibro Hadžić je napomenuo da u skladu sa Strategijom razvoja poljoprivrede u narednih 5 godina, do 2023.godine transfer za poljoprivedu treba biti 2,5 % Budžeta a da je sad na nivou 2%, i da se ide sa postepenim povećanjem a i da se kriteriji koji se tiču poljoprivrede ublaže da ne bude onoliko stavki.

Predsjednik Privrednog savjeta Hašim Mujanović predložio je da se uključe i uzmu učešće oko izrade Nacrta Budžeta i prijedloga poticaja po ovim oblastima i sektorima Aldin Sušić kao direktor Razvojne agencije i Sabahudin Horozović kao šef Zavoda za zapošljavanje obzirom da bi nam trebala informacija o tendencija i potrebama da znamo da možemo kanalisati naše poticaje i aktivnosti.

Sabahudin Horozović osvrnuo se na 3 sjednica poticaj mjera za zapošljavanje i samozapošljavanje na toj sjednici poticaj mjera za samozapošljavanje da si isključivo dvje mjere sufinansiranje zapošljavanja (mala ,srednja i velika preduzeća) i dao primjer iz općine Tešanje gdje je 11 novih mladih osoba koristeći mjere sufinansiranje zapošljavanja pokrenula posao gdje općina snosi do 3 godine plaćanje doprinosa po osobi i jednim dijelom plaćanje troškova zakupa prostora i da bi takav primjer dao i ovdje rezultat. U nastavku je istakao ranije pokrenuti projekt zelenog zapošljavanja gdje treba da ima 20 zaposlenih osoba a mi imamo 5 prijavljenih, problem je kako pronaći i omogućiti za još dodatnih 15 osoba samozapošljavanje.

Da li postoji mogućnost izmjene plana i da se izvrši poticaj mjera sufinansiranja i izvrše prijavu za ovih 15 osoba gdje bi se njima omogućilo 12 mjeseci omogućiti sufinansiranje u izbosu koliko ima slobodnih sredstava.

Almir Mustafić ovoj godini nema mogućnosti jer je općinsko vijeće donijelo plan ali da ima mogućnosti u narednoj godini.

Aldin Sušić: predložio izmjenu programa utroška sredstava imajući u vidu dosadašnja iskustva i da probamo na način na koji radi Tešanj, i da ako nešto ne funkcioniše da to mijenjamo.

Predsjednik Privrednog savjeta Hašim Mujanović vidjeti kakvo je stanje i odmah planirati u januaru i kreirati kriterije za narednu godinu i dogovoriti tehniku da se ispoštuju ove stvari.

Amira Tadić, nakon svega izrečenog predložila imajući u vidu da je rekla da se prijedlozi dostave do 25.10.2018.godine ako može da se dostave ranije do iduće srijede.

Nakon ovoga se prešlo se na sljedeću tačku dnevnog reda.

### **3. Akcioni plan realizacije strategije integriranog razvoja općine Zavidovići za period 2017-2026.godine za 2018.godinu –(Izvjestilac Almir Mustafić),**

Almir Mustafić: Općina Zavidovići ima usvojenu Strategija Integriranog razvoja za period 2017-2026 i na osnovu Zakona o razvoju , planiranju i upravljanju u FBiH, kojim se nalaze da se vrši programiranje razvoja godišnje i trogodišnje i slijedom te zakonske obaveze mi smo imajući u vidu Strategija Integriranog razvoja donijeli Akcioni plan realizacije i strategije za 2018.godinu. Pionirski planovi koji se nastoje svake godine poboljšati i otkloniti greške iz prethodnih godina te da se plan kalkuliše sa Budžetom i ostalim predvidivih

prihodima a sve mjere su prema strateškim ciljevima , odnosno šta se uradilo u tekućoj godini i šta se planira uraditi do kraja godine.

Nakon uvoda Predsjednik Privrednog savjeta istakao je da se radi čisto o informaciji o aktivnostima šta se poduzelo po navedenoj Strategiji i da se daju prijedlozi i mišljenja i komentare te otvorio raspravu po ovoj tački dnevnog reda:

Nakib Vuković : zamolio Almira da nas ukratko upozna sa dosadašnjim aktivnostima, šta je u toku,

Almir Mustafić: U toku su projekti kapitalnih ulaganja, to su planirane aktivnosti svih službi, izvori finansiranja i da ispunjenost plana ide sa 80 do 90% .

Nakib Vuković: pohvalio bi ovo uređivanje i sređivanje asvaltiranja gradskih površina i postavio pitanje statusa zgrade iznad poliklinike u ulici Radnička.

Predsjednik Privrednog savjeta Hašim Mujanović : postoji inicijativa za kupovinu zgrade , čija bi se sredstva od kupovine uložila za izgradnju novog stambenog objekta čiji bi vlasnik bila isključiv općina i ne bi imali ovakav partnerski odnos, Ova inicijativa za kupovinu ide na sljedeću sjednicu Općinsko vijeće, ukoliko ne bude saglasnosti Općinskog vijeća ide se na raspisivanje javnog poziva za korisnike i blizu je okončanje te procedure.

Nakon što više nije bilo prijedloga komentara i sugestija prešlo se na sljedeću tačku dnevnog reda .

#### **4. Izvještaj o realizaciji Akcionog plana realizacije strategije integriranog razvoja općine Zavidovići za period 2017-2026.godine za 2017.godinu sa Planom kapitalnih investicija općine Zavidovići za period 2017-2019.godine – (Izvjestilac Almir Mustafić),**

Almir Mustafić: u uvodu napomenuo de je ovo isto vezano sa prethodnom tačkom i imate kompletan izvještaj sa opisimima dokle se stiglo, od 103 planirana projekta 93 su bila u inplemetaciji i okončani.

Predsjednik Privrednog savjeta Hašim Mujanović izrazio zadovoljstvo planiranim akrtivnostima i realizacijom , gdje nije zanemareno niti selo niti grad, jer je izvrena pravedna raspodsjela sredstava na selo i grad i zadovoljan dinamikom i novom inicijativom naših građana kojom dosadašnji betonsko podloge presvlačimo asvaltom uz njihovu pomoć, gdje oni prikupe određeni dio sredstava i općina pomogne čime je put zaštićen i lakše je održavati puteve čime bi napravili preduslove da ljudi ostau na selu.

Nakib Vuković: postavio pitanje obaloutvrda koje su urađene i rastinje od trave i drveće , odnosno čija je nadležnost za njihovo održavanje i kako pronaći način za njihovo uklanjanje jer može doći do oštećenja od izraslog drveća.

Predsjednik Privrednog savjeta Hašim Mujanović zahvalio je na sugestiji i da smo prepoznali problem i izvijestio da je već dao nalog nadležnoj službi za rješavanje problema (izgradnja zaštitne ograde i sportski kolektiv koji će to uraditi) i napomenuo da je održavanje sređenih obaloutvrda u nadležnosti općine a ono što nije sređeno u nadležnosti Sliva rijeke Save.

Nakon što više nije bilo prijedloga komentara i sugestija prešlo se na sljedeću tačku dnevnog reda .



## **5. Program utroška sredstava sa Transfera za poticaj zapošljavanja i razvoja privrede u 2018.godini sa Javnim pozivom poduzetnicima za dodjelu poticaja razvoja poduzetništva u općini Zavidovići –(Izvjestilac Almir Mustafić),**

Almir Mustafić: Ukratko pojasnio o javnom pozivu i da su Uvaženi prijedlozi i sugestije Privrednog savjeta sa 3 sjednice , povećana sredstva , uklonjene nejasnoće oko dostavljanja dokaza za troškove, traženo da poziv bude u dvije faze, uveli mjeru koja se tiče zapošljavanja, nije nam bio cilj da duplamo mjere sa kantonalnim i federalnim nivoima i vidjeli ste ove mjere i općinsko vijeće je usvojilo ove mjere.

Nermin: Upitao je imajući u vidu date prijedloge sa 3, sjednice Privrednog savjeta o obrazovanje radne snage i pripreme za rad kakve je rezultate dala ta mjera.

Almir Mustafić: Bila samo jedna prijava ,kojom je predviđeno 100 KM refundacije troškova , obeštećenje poslodavca primanja na posao takvih osoba. Nažalost sve i jedna mjera je bila sa slabim odzivom, slali smo pisme upite, putem medija obavještavali , telefonom što je bilo nedovoljno a u narednom periodu treba ići preko Zavoda za zapošljavanje imajući u vidu ranije izrečeno i dat mogućnost i privrednicima preko 50 uposlenih za korištenje tih mjera, to je ono gdje smo uvidjeli da bi mogli imati pravi rezultat.

Predsjednik Privrednog savjeta Hašim Mujanović ukazao je na već ranija izlaganja u prethodnim tačkama od strane Sabahudina , Aldina i Ibrahima i da smo tu ukazali kakvi će nam biti planovi i kave bi trebale biti smjernice.

## **6. Analiza ankete privrednih subjekata općine Zavidovići –(Izvjestilac Aldin Sušić)**

Aldin Sušić: Rezultati anke koji su urađeni u decembru prošle i januaru ove godine, uzorak od 30 privrednih subjekata , iako smo poslali upit na 250 adresa nismo dobili nijedan odgovor , zaključci su da je loša komunikacija javnog i privatnog sektora i u nastavku izložio probleme u pravljenju ankete i neke nelogičnosti kao primjer naveo stanje na terenu gdje niko nije zadovoljan nekim od cijena komunalnih usluga prevozom otpada a u anketi svi zadovoljni, treba više povratnih informacija i da je općina sve uradila a da privredni subjekti teško ili nikako daju podatke i povratnu informaciju. Sami zaključci su da je nedovoljna informiranost privrednih subjekata uslugama koje pruža općina i Razvojna agencija.

Nakib Vuković: Istakao da je ovo nova stvar i da treba malo strpljenja imajući u vidu Naš mentalitet i da će vremenom to doć na svoje.

Aldin Sušić : Pripremaju se za novu anketu i nadaju se boljem odzivu.

Predsjednik Privrednog savjeta Hašim Mujanović shavatio je problem koji je uvijek prisutan u pogledu siromaštva informacijama i izvjestio o otvaranju Biznis servis centra i ureda za dijasporu gdje su obeznjeđena sredstva i to je jedna od značajnih stvari koja će unaprijediti sve ove probleme, i da će se Oćina uvijek prilagoditi privrednicima , kad privrednici odrede kad treba da se sastanemo mi ćemo se uvijek vama prilagodit i možemo poraviti ove stvari,

Almir Mustafić: na osnovu rezultata ankete Općina je promijenila neke svoje odluke kao što su Odluka o komunalmin naknadama, taksi za istaknutu firmu, četiri smo odluke menjali čime smo doprinijeli unapređenju i stvaranju povoljnog okruženja za poslovanje i da predložene zaključke iz ankete treba podržati.

Aldin Sušić : Općina je već uradila većinu ovih zaključaka

Ibrahim Mujanović dao prijedlog u pogledu informisanja da se putem radija i televizije što više i češće daju informacije i ljudima objasni i da će se više ljudi javiti .

Predsjednik Privrednog savjeta Hašim Mujanović u toku je prijem zaposlenika koji bi nam trebao raditi te stvari koji će nam servisirati informacije, jer su građani nedovoljno upoznati sa benefitima o kojima je Almir govorio. Nezavisni biro rada je ocjenio našu općinu

kao najpovoljniju za investiciono ulaganje ispred Tešnja i Žepča , usljed smanjenja taksi i nameta, a mi to ne znamo marketinški pokrit i iz tog razloga pokušat ćemo pokrenuti formiranje naše TV kao druge općine koje će raditi na promociji naše općine a sve u mogućnostima dinamike Budžeta

## **7. Prijedlog odluke o izmjeni Cjenovnika komunalnih usluga JKP „Radnik“ d.o.o. Zavidovići – izvjestilac Izet Bašić**

Izet Bašić: U kratkom uvodu istakao da je ovo aktuelna tema, i ono što se zna da ovo treba ići u izmjenu a u kom pravcu će se ići u izmjene Cjenovnika komunalnih usluga nakon što je naloženo od Općinskog vijeća, Općinskog načelnika i nadležne općinske službe da Komunalno preduzeće kroz svoje organe upravljanja predloži jedan takav materijal i mi očekujemo da će se to desiti u narednih mjesec , mjesec i po dana. Konkretno nemamo danas o čemu raspravljati jer predlog izmjena očekujemo u narednom periodu konkretan materijal po ovom pitanju.

Predsjednik Privrednog savjeta Hašim Mujanović je nakon toga a imajući u vidu da je Remzo Sinanović predsjednik skupštine JKP „Radnik“ d.o.o. Zavidovići dao mogućnost da ukoliko ima dodatnu informaciju više istu iznese.

Remzo Sinanović: Istakao na početku cjenovnik kakav god da je on je ucijek političke prirode, jer i kad ga skupština preduzeća predloži na kraju ga usvaja Općinsko vijeće, Lično mislim da cijene komunalnih usluga treba povećati, kad se porede sa ostalim uslugama da usluge trebaju biti na većem nivou, ostale usluge rasti struja i telefon . Kad dođu računi za struju odmah platimo. Mi generalno imamo takav stav s obzirom da je Komunalno preduzeće naše, kad dođu računi za struju odmah platimo , ako ne platimo odmah isključe, na zapadu su cijene komunalnih usluga veće nego za struju a kod nas je obratno i da treba mjenjati svijest ljudi i da se ne odnose maćehinski prema preduzeću, trebamo uvažiti i socijalnu sliku naših građana, da se najteži socijalni slučajevi zaštite kroz cjenovnik, treba imati i bolje grijanje i bolje finansije.

Nermin Čahtarević: podsjetio na raniju, treću sjednicu Privrednog savjeta i zaključak Privrednog savjeta da se pristupi drugačijem metodu obračuna cjenovnika odvoza smeća za poslovne prostorije, uračunati stvarnu količinu otpada , a ne na osnovu površine poslovnog prostora i da sadašnji način nije realan da šteti razvoju privrede i da bi se mogao unaprijediti ne zalazeći u sektor domaćinstava, uočene je iz diskusija da se fakturišu veliki iznosi a da stvarna količina otpada ne odgovara visini cijene pruženih usluga.

Predsjednik Privrednog savjeta Hašim Mujanović: istakao da kompletnu komunalnu uslugu treba uzeti kao jedan sistem, a ne uzet parcijalno samo odvoz smeća , da se može kroz cijenu vode koja je mala izbalansirati cijena plaćanja odvoza smeća po m<sup>2</sup> da na taj način rasteretimo privrednike.

Ibrahim Mujanović: na početku istakao problem strukture zaposlenih u preduzeću, da li rade pozitivno ili negativno, da se vidi dali tamo treba deset majstora ili deset ekonomista, koji sjede tamo obračun prave, ja imam dvajicu ekonomista, tamo ja dođem svaki puta neki novi čovjek, a majstora nema, treba kvalitetne majstore platite te ljude koji rade a ove koji sjede u kancelarijama diloma se ne plaća, plaća se rad, treba jednog dobrog ekonomistu koji će napraviti kvalitetan program.

Druga stvar što se tiče smeća, najrealnije je da se može po kilogramu plaćati, i dan to treba biti cilj, evo 15 godina o tome pričamo, ajmo sad raditi na tome, istako primjer plaćanja usluga u tržnom centru gdje mjesečno plaća hiljadu maraka komunalne usluge od čega 700 KM otpada na odvoz smeća na jedan kontejner , a količinski u kontejneru nema. To je van pameti, i to da ide na Vijeće, rekli bi on ima para nek plati . Hoću platiti i svaki čovjek hoće platiti ono što koristi. Hajmo sad odredit plaćanje po kontejneru, hoćel odvoz biti 100 ili 200 nek to

Komunalno odredi , tačno se zna ima toliko kontejnere toliko plati. Zato predlažem da se vidi dali ovo može ići po kontejnerima.

Predsjednik Privrednog savjeta Hašim Mujanović: Svakako treba uvažiti i stav Privrednog savjeta i da ove stvari treba evidentirati i o njima razgovarati ispred privrednog sektora jer se njih i najviše tiče ova problematika.

## **8. Dodjela poticaja za razvoj poljoprivrede na području općine Zavidovići za 2018.godinu , izvjestilac Izet Bašić**

Izet Bašić: U kratkom uvodu istakao da već 10 godina u budžetu imamo transfer poticaja za razvoj poljoprivrede i ukratko proceduru dodjele, raspisivanja javnog poziva , kriterija i osnovu toga se izvrši dodjela sredstava. Ove godine imamo 200,000,00 KM, ia većina sredstava je isplaćena , ostaje još samo da se izvrši isplata administrativne obrade. Mi smo obavezni prema skladu sa Strategijom razvoja poljoprivrede u narednih 5 godina, do 2023.godine transfer za poljoprivredu treba biti 2,5 % Budžeta a da je sad na nivou 2%, postepeno povećavati.

Nijedne godine nismo imali iste kriterije, nego smo ocijenili na osnovu prethodnih godina kako bi najbolje iskoristili sredstva , pa ćemo tako ove godine sjesti sa načelnikom predložiti i usaglasiti kriterije.

Remzo Sinanović: imam osjećaj da se poticaj raspe na sitne dijelove, da treba se fokusirati podsticati zapošljavanje kroz ova sredstva, ovako kad gledaš sredstva se raspu po 100-200 maraka i nema neke koristi, ovako ispade neka socijala,

Predsjednik Privrednog savjeta Hašim Mujanović: znamo , analizarali smo te stvari, znamo gdje su propusti i bacanje tih para i da ćemo ove godine usaglasit kriterije da utrošak bude ciljan i da ne budemo u ovakvoj situaciji.

Ibro Hadžić: Mi smo gledali da dopuniimo sredstva koja se dodjeljuju sa kantona i federacije i da druge općine rad slično nama, duplirali neke stvari da bi malinarima pomogli jer su u lošoj situaciji, ali da se desilo na svjetskom tržištu da malina nije više interesantna , druge općine imaju iste probleme i treba biti rezervisan i prema davanja sredstava zadrugama jer utroše nenamjenski sredstva, problem je gdje udariti sa sredstvima i tačno gdje uložiti sredstva, kojim god putem krenemo bit će problema

Predsjednik Privrednog savjeta Hašim Mujanović: imamo naznake rješenje, imam naše zadruge koje apliciraju prema višim fondovima ili međunarodnim organizacijama koje žele i traže od općine saučestvovanja nabavke prerađivačkih kapaciteta, gdje bi naš proizvođač imao siguran otkup, da neće dalje lutat a ovaj će prerađivat i zatvoriti krug i to je jedino rješenje, sve drugo je drži vodu do nekog vremena.

Esad Avdušinović: zatražio pojašnjenje dodjele sredstava na osnovu kojih kriterija, ko kontroliše, jer je kroz spisak uočio neke nejasnoće , čovjek iskazao mehanizaciju a znam čovjeka i znam da nema mehanizaciju, čovjek prikazuje platenik gdje mu je platenik 20m2.

Predsjednik Privrednog savjeta Hašim Mujanović : u vezi dodjele sredstva postoji preliminarna lista, konačna lista, pravo prigovora , pa čak i pravo anonimnih prijava i komisija je izašla na lice mjesta i fali nam saradnja sa građanima , a dosta može pomoći anonimna prijava da ljudi ciljano odu i vide stanje.

Izet Bašić: Stvar kriterija je stvar ocjena i procjena i stanja na terenu i ove godine je dosta gora jer nemamo ljudi na selu, sela odumiru, nama je najbitniji onaj koji kopa, jer bez njega nema ničeg, i kad budemo razmišljali i stvarali kriterije oni moraju biti na prvom jestu a ostali nadogradnja, istakao primjer malinara , ukupno 500 tona maline a niko pojedinačno nije imao više od 4 tone, stimulacije luka i paprike itd., a što se tiče dodjele sredstva da ako stvarno znate da nešto nije u redu trebate prijaviti a ako ne prijavi ne treba komentarisat.

## **9. Nacrt Odluke o proglašenju Grada Zavidovići**

Predsjednik Privrednog savjeta Hašim Mujanović: već ranije započeta aktivnost došli smo do faze da shodno Zakonu o principima lokalne samouprave ispunjavamo uslove o proglašenju Grada o čemu će više informacija dati Nermin Čahtarević.

Nermin Čahtarević: Manje više sve općine rade na ovom, sam Naziv Grad daje više informacija da se radi o urbanoj sređenoj sredini, da veći broj stanovnika živi u urbanoj sredini sa uređenom putnom, komunalnom infrastrukturom, određenim načinom života, i sa najmanje deset hiljada ljudi koji žive u urbanoj sredini, a prema našoj procjeni naša općina ima i trinaest hiljada a općina kao općina predstavlja administrativnu cjelinu

Predsjednik Privrednog savjeta Hašim Mujanović smatra od ove inicijative može biti dosta koristi i značajna iz same percepcija pojma Općine i Grada u međunarodnim institucijama. Općina može biti i do pet hiljada, dao primjer susjedne Hrvatske čije općine imaju pet hiljada stanovnika kao neke naše mjesne zajednice i ona je neozbiljna u međunarodnoj komunikaciji, ali kad imate pojam grada on se drugačije percipira i može dati dosta pozitivnog.

Remzo Sinanović: Podržao inicijativu o proglašenju Grada i predložio osnivanje dvije općine, uz kratko obrazloženje, općine Gostović i općine Vozuća, Vozuća što zaostaje u razvoju, a Gostović što se razvija.

## **10. Odluka o pristupanju izmjena i dopuna Regulacionog plana „Luke“ Zavidovići**

Nermin Čahtarević: U kratkom uvodu napomenuo da je u novembru prošle godine Općinsko vijeće donijelo odluku da se pristupi izmjeni i doradi navedenog ovog lokaliteta, podrazumijeva lokalitet Krivaje, a, pa treba vidjeti iz domena privrede šta se može uraditi.

Remzo Sinanović: možda samo onaj dio oko romskog naselja „Rupin do“ da je interesantan i da je ovaj regulacioni plan u fazi izrade-prednacrti i da bi on trebao ubrzo da se pojavi. Kad smo krenuli sa odlukom o ustupanju i izmjeni i dopuni regulacionog plana imali smo nekoliko inicijativa od građana i mi smo imali svoje. Na osnovu jedne inicijative se ne pokreće izmjena regulacionog plana već to mora biti više inicijativa, i da se isplati da idemo u proceduru, ne u smislu novčanog nego razvojnog cilja, ali iz dosadašnjih loših iskustava sa regulacionim planovima i njihovog sporog usvajanja, nadam se da neće biti problema sa ovim planom.

Predsjednik Privrednog savjeta Hašim Mujanović: Ovo je svakako više informacija a ne da ulazimo u suštinu regulacionog plana.

Izet Bašić: istako važnost da se napokon riješi problem ulaska u grad, misleći na dio kod romskog naselja, i da to treba riješiti sad ili nikad, i da nam u drugom planu bude finansijski trošak a u prvom kvalitetno rješenje. To je jedno od gorućih pitanja u gradu.

## **11. Informacija o toku usvajanja Regulacionih planova „Centar 1“, 2 i 3**

Remzo Sinanović: Regulacioni planovi su urađeni sa pravilima struke i Zakona sa svim procedurama i došli na udar politike jer nismo pogodili njihove želje te su Regulacioni planovi od vijeća vraćeni na doradu a da nije rečeno u kom smislu da se to uradi. Zato smo poslali dopise političkim subjektima u kom dijelu da nam dostave svoje prijedloge u kom smislu doraditi regulacione planove na osnovu kojih se može raditi da bi mi imali materijal. Nakon toga smo i usmeno razgovarali sa predstavnicima stranaka koji su i dalje ostali nedorečeni, ne možemo kazati da jedan objekt možemo legalizovati a drugi ne, a imaju istu osnovu. Moramo bit prema svim građanima isti.

Treba ponovo sjesti nastojati sa predstavnicima politike iznaći parlamentarnu većinu i usvojiti planove u ovom stanju kojim jesu ili da dostave svoje prijedloge. Sama činjenica da su regulacioni planovi vraćeni na doradu bez ikakvih uputa izašlo se iz formalnog zakonskog okvira, imamo pritisak i građana i privrednika za usvajanje.

Predsjednik Privrednog savjeta Hašim Mujanović: Prihvatiću bilo kakav prijedlog, smatram da je od vitalnog značaja da se usvoje regulacioni planovi, da se zatvori krug regulacionih planova. Nismo ni svjesni investicionog zamaha koji bi bio pokrenut usvajanjem regulacionih planova u smislu gradnje, više milionskim projektima i da ne bi smo trebali biti taoci politike. Stojim na raspogonju sa organizaciju svih sastanaka u smislu deblokiranja zastoja, i da se ide dalje da se gradi.

Ibrahim Mujanović: Pošto sam došao u najgoru situaciju, objekt sam završio i ljudi treba da useljavaju, predložio bi da se iz svakog regulacionog plana sjedne i utvrdi šta prolazi a šta ne, znači da se sjedne iz Regulacionog plana Centar 1 to prolazi, to ne, pa tako i ostale planove, znači što prolazi da ide a što ne da se ostavi za kasnije. Da ide jedan po jedan Regulacioni plan i šta može proć, hajmo tražit što može proć a ne što ne može, jer sve zajedno nikad neće proć i bit će blokirano 100 godina. Znači konkretan prijedlog je ide jedan po jedan Regulacioni plan i da se usaglasi šta može proć i da ide. Također, predlažem i da se šefovima klubova da zadatak i kažu „predlažemo to i to“, daju povratnu informaciju i da se da osnova i da se krene.

Remzo Sinanović: predložio da Privredni savjet usvoji zaključak kojim se Insistira od vijeća da što prije usvoji regulacioni planove

Sabahudim Horozović: predložio da se ispred privrednog savjeta na sjednicu općinskog vijeća delegira jedan predstavnik ispred Privrednog savjeta koji bi zastupao stavove i interese privrednika

Predsjednik Privrednog savjeta Hašim Mujanović: ovo su dobri prijedlozi, treba obavezno čuti glas privrednika kao nosioca razvoja i onih koji donose novac, ako će se samo od vas uzimati a neće ništa pitat i dovoditi pred svršen čin ili na neki način ucjenjivat to nije u redu i da samo treba vidjeti tehniku obraćanja općinskom vijeću i bude najavljeno te da izaberemo osobu koju bi delegirali kako bi već imali ime kome bi smo uputili poziv za prisustvo.

Ibrahim Mujanović: Pošto je Nagib već izašao treba vidjeti sa njim i dostaviti prijedlog.

Predsjednik Privrednog savjeta Hašim Mujanović: dao na glasanje zakluče predložene od strane Sabahudina Horotovića i Remze Sinanovića, odnosno z zaključak kojim se Insistira od vijeća da što prije usvoji regulacioni planove i zaključak da se delegira jedan predstavnik ispred Privrednog savjeta koji bi zastupao stavove i interese privrednika  
Zaključci su jednoglasno usvojeni

## **12. Plan kapitalnih investicija općine Zavidovići za period 2018-2022.godine**

Almir Mustafić: Ova je jedna od tačaka koja se razmatra na Privrednom savjetu a razlog je što je općina u proceduri certifikacije opštih gradova sa prijateljskim okruženjem prema biznisu. Sve ove analize i planovi bit će dostavljeni Privrednom savjetu u formi radnog materijala da bi se išlo i sa stavom Privrednog savjeta kao Nacrt.

Ovo što je bitno u ovom planu ovo je izvještavanje šta je bilo. Plan je donešen na osnovu Odluke o utvrđivanju kriterija sistema i bodovanja projekata koje je utvrdilo Vijeće. Uključena je šira javnost, prijavljeno je 149 projekta koji su bodovani, rangirani i grupisani. Najviše prijavljeno cestovne infrastrukture, da je kanalizacija najmanje prijavljena. Ovi projekti već mnogi idu u realizaciju, bar po prvih 10 u skladu sa našim budžetskim mogućnostima i nastavit će se u budućim godinama realizirat.

Predsjednik Privrednog savjeta Hašim Mujanović: napomenu da će se dinamika uređenja rada nastaviti i u narednom periodu.

**13. Razno.**

Pod tačkom razno nije bilo prijedloga.

Sjednica Privrednog savjeta završena u 12:45 sati.

ZAPISNIK SAČINIO

Senad Huskanović



ZAPISNIK OVJERAVA PREDsjedNIK  
PRIVREDNOG SAVJETA

mr. sci. Hašim Mujanović

